



Kalaallit Airports A/S  
Qeqertanut 1, 3. etage  
Box 2000  
3900 Nuuk  
Att.: Morten Thrane

## **Nuummi timmisartoqarfiup allilerneqarneranut atatillugu VVM-imi suliassami allannguutinik nalunaarutiginninnerup misissornerneqarneranik aalajangiineq – Ikummatissaasivimmik pilersitsineq**

Allakkap ullua: 28-05-2024  
Suliap normua: 2023 - 7444  
Allagaatit ilisarnaataat: 24112146

VVM-imi suliassap "Nuummi Timmisartoqarfimmik allilerineq" VVM-inut nalunaarummi<sup>1</sup> ilanngussa 3 naapertorlugu allanngortinneqarnissaa pillugu nalunaarut, Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik (Naalakkersuisoqarfik) ulloq 19. april 2024 Kalaallit Airports Holding A/S-imiit (KAIR) tiguaa.

Postboks 1614  
3900 Nuuk  
Oqa. (+299) 34 50 00  
Fax (+299) 34 54 10  
E-mail: pan@nanoq.gl  
www.naalakkersuisut.gl

Suliassami allanngortitsinissamik nalunaaruteqarneq, ikummatissaasivimmik pilersitsinissamut kiisalu Nuummi timmisartoqarfiup allilerneqarneranut atatillugu ikummatissanik passussisarnermut, tunngassuteqarpoq.

### **Tunngaviusoq**

Ulloq 1. marts 2019 Nuummi Timmisartoqarfiup allilerneqarnissaa Naalakkersuisunit VVM-imi akuerineqarpoq. Tamanna pitinnagu allilerinissamut VVM-imut nassuiaat sularineqarpoq, sanaartugassamik pilersaarusionerq KAIR-ip pilersaarutigisimasaa, tassani aallaavigineqarluni. Taamaattoq timmisartoqarfimmik allilerinissamut ingerlaavartumi sukumiisunut sanaartugassamik pilersaarusionerq, uninngasuuteqarnermut aammalu timmisartunik qulimiguulinnillu timmisartoqarfimmi orsersuisarnermut sunnuteqarluarnerusumik patajaannerusumillu aaqqiissuteqarnissamut, pissutissaqalersitsisimavoq. Tankit taaneqartut tamarmik matuma kingorna tankit suussusaat tunngavigalugit akuerisaasutut isigineqarput.

Suliassami pineqartumi allannguutit makkua pineqarput:

- Gasuuliamut tanki nutaaq qulisaq 35 m<sup>3</sup> nunamiittoq, marloqiusanik iigartaqartoq
- AV-gassinut tanki nutaaq qulisaq 35 m<sup>3</sup> nunamiittoq, marloqiusanik iigartaqartoq
- Tankit nallangasut nutaat taakkua eqqaanni timmisartut tungaanni illuaraq orsussamik maqitsisarfik, inini marlunni agguagaasoq - ataaseq gasuuliamut ataaserlu AV-gassinut atugassaasut
- Nunap ataani ruujorilersuinerup pioreersup (nunap tungaaniit timmisartut tungaannut), Jet-A1 ikummatissanut atorneqartup, atorunnaarsinneqarnissaa

<sup>1</sup> Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr., af 27. marts 2013-imeersoq

- Nunap tungaani 2 x 20 m<sup>3</sup> Jet-A1 tankinit pioreersunit, Timmisartut tungaanni timmisartoqarfiup biiliinut tankilinnut Jet-A1-inut usilersortarfimmut nutaamut, nunap ataani nutaanik ruujoriliineq.

Allilerinermut atatillugu matumani suliassami allannguutissat, jet A-1-inut (timmisartunut jetmotorilinnut ikummatissaq) kiisalu AV-Gassinut (timmisartunut minnerusunut ikummatissaq) tunngatillugu, orsersortarnermut tunngasunik kiisalu ikummatissamik passussisarnermut pitsanngorsaanerupput. Timmisartut tungaanni timmisartoqarfiup biiliinik ingerlaavartumik orsersuisinnaanissaq kiisalu timmisartut tungaanni orsersortarfimmiit sullulik siaartagaq atorlugu timmisartuni minnerusuni AV-gassimik toqqaannartumik immiisarnissaq, pisariaqartinneqartut, KAIR-ip sanatitsisutut erseqqissaatigaa.

Nalunaarummi matumani allassimavoq, KAIR-imi allannguutissatut pilersaarusiorneqartunut atatillugu inissiivissanik assigiinngitsunik marlunnik suliaqarpoq.

- 1.) *Nunap tungaani* (timmisartoqarfiup ungaluisa avataanni).
- 2.) *Timmisartut tungaanni* (timmisartoqarfiup ungaluisa iluanni)

Nunap tungaani ullumikkut Jet-A1-inut ikummatissaasivik, marlunnik 2 x 20 m<sup>3</sup>-inik tankitaqartoq, inissisimavoq. Tankit taakkua iluarsaanneqartussaapput, taamaalillutik tankeqarfinnut maleruagassanik atuuttunik naammassinnilissallutik. Tassanngaaniit timmisartut tungaanni sumiiffimmut maannakkut ruujoriliineq atorunnaarneqassaaq, aammalu ruujoriliinermik marloqiusanik iigartalimmik nutaamik taarserneqassalluni.

Timmisartut tungaanni tankit marloqiusamik iigartallit, nunamiittut 2 x 35 m<sup>3</sup> inissinneqassapput – dieselimut aamma AV-gassinut. Tankit timmisartunut inissisarfiup aammalu nunap iluani timmisartunut iluarsaasarfiup kitaanni inissinneqassapput. Tamatumunnga atatillugu dieselimik kiisalu AV-Gassimik orsersuinissamut orsersuisarfiliisoqassaaq. Gasuuliamut tanki timmisartut tungaanni biilini orsersuinermit naatsorsuutigineqarpoq, AV-Gassinut tanki nunap iluani timmisartunut minnerusunut orsersuinermit naatsorsuutigineqarluni.

Naalakkersuisoqarfiup nalilersuinermini avatangiisinut tunngasut makkua immikkut eqqumaffigai:

- Suliassami allannguutiniq sanaartorneq siunertaanngitsumik ikummatissamik kuutsisisoornissap aarlerinaateqarnerulerneranik malitseqarsinnaanersoq.
- Tankit ruujorilersuinerillu nutaat ingerlatsinermit isumannaatsuunersut, naammattumik aalajangersorneqarnerisut aammalu aaqqiissutissanit atuutereersunit avatangiisinut tulluarnersut.
- Timmisartoqarfimmi upalungaarsimasut suliassani allannguutaasussanut passussinissamut piginnaasaqarnerat.

## **Aalajangiineq**

Ikummatissaasivimmik pilersitsinissaq pillugu suliasami allannguut VVM-imut nalunaarut naapertorlugu VVM-imik pisussaaffeqalersitsinngilaq.

### *Aalajangiinermut tunngavilersuutit*

VVM-imi suliasamat ”Nuummi Timmisartoqarfimmik allilerineq” atatillugu ikummatissaasiviliinissaq pillugu KAIR-imiit suliasami allannguutit nalunaarutigineqarnerat, suliasami allannguutit avatangiisinut sunniutissaasa naatsorsuutigineqartut nalilersorniarlugit, misissorneqarpoq.

Tankit 35 m<sup>3</sup> marluk nunami imminnut sanileriisillugit nunamiitillugit inissinneqassapput. Tankit sioqqanik kalluussaannaveeqqummi inissinneqassapput, tamatumalu kingorna tankit betonnginik ikkussugassanik ungalulerneqassallutik. Tankit kaajallallugit inissiffiat betonngit iigartai tikillugit sioqqanik ujaraaqanillu immerneqassaaq, pingaartumik ikuallattoornissamat isumannaallisarniarlugit, kisianni tamanna aamma kuutsitsisoornerni annikinnerusuni millugussinissamat tunngatillugu iluaqutaasoq paasinarsinnaalluni. Tankit ussersortoornissamat isumannaallisaasernerneqassapput aammalu erngarsinnaanera nakkutigineqassalluni

Timmisartoqarfimmi suliasaq sanaartugassaavoq VVM-imi akuerisaasoq, taamaattumillu suliasami allannguutit VVM-inut maleruagassat naapertorlugit, suliasami allannguutit imminerminni VVM-imik pisussaaffiliinersut nalilersorneqarnissaa siunertaralugu, nalunaarutigineqartussaallutik, takuuk VVM-inut nalunaarummi § 5, imm. 2. Timmisartut tungaanni tankit 2 x 35<sup>3</sup> nutaat taakkua (orsersuisarfiit ruujoriliinerillu nutaat ilanngullugit) pilersinneqarnissaat ingerlanneqarnissaallu suliasap sumiiffiata, VVM-imut nassuiaammi suliarineqartup aammalu VVM-imik akuersissuteqarnermi maleruagassiivigineqartup, iluanni inissisimapput. Nunap tungaani 2 x 20 m<sup>3</sup> Jet-A1-inut tankit pioreersut timmisartoqarfimmut VVM-imik suliap ingerlanissaa sioqqullugu pilersinneqarsimapput, aammalu VVM-imi suliasap sumiiffiani ilaanatik. Taamaattoq VVM-imut suliasap sumiiffiata avataaniittoq sumiiffik killissalersugaasoq tassani pineqarmat, aalajangiinermi matumani Jet-A1-inut tankit taakkua ilanngunnissaat, Naalakkersuisoqarfiup ajornartorsiutitut isiginngilaa.

Nuummi Timmisartoqarfimmi upalungaarsimanermi ukiorpassuarni sungiusarnerit ingerlanneqartarsimanerat, Naalakkersuisoqarfiup aalajangiinermi pingaartippaa. Taamaattumik siunertaanngitsumik ikummatissamik allanillu uuliartalinnut tunngasunik kuutsitsisoornerit iliuuseqarfiginissaat upalungaarsimasut sungiusimavaat.

Nalunaarummi allassimavoq, nunap tungaani Jet-A1-inut tankinit pioreersunit nutaanik ruujorilersuinissaq KAIR-ip pilersaarutigigaa. Jet-A1-inut tankinit marlunniit ruujorilersuineq, ruujorit coating-itallit marloqiusamik iigartallit, manngertorninissamat akiuussinnaassuseqarnerulersitsisussat, erngartoqalernerani silaannaqannginnera kalerrisaarutiginnissanut periarfissiisut, atorlugit suliarineqartussaapput. Tamatuma saniatigut ruujoriliineq, ullumikkut

pisartut paarlattuanik, usilersortarfiligaavoq, koblingsstuds naleqqussarlugu timmisartoqarfiup biilii tankillit Jet-A1-inut ikummatissamik timmisartunut pilersuisut immerneqartassallutik.

Nunap tungaani Jet-A1-inut tankinit 2 x 20 m<sup>3</sup>-iusunit timmisartut tungaanni orsersortarfimmut marloqiusanik iigalinnik nutaanik ruujorilersuineri assaalluni suliaqarneq, allatigut sanaartorluni suliaqarnermut atatillugu ingerlanneqassaaq aammalu sanaartorfimmi maskiinat atorneqareersut atorneqassallutik. Maannakkut ruujorilersuutit fuel-it sinnikuinik imaarneqassapput aammalu ataavartussamik matorunneqassallutik. Ataatsimut isigalugu tassani pineqarpoq ruujorilersuineq ingerlatsinermi isumannaatsuusoq, siunertaanngitsunik pisoqarnissaa periarfissaqannginnerulersillugu.

Timmisartut tungaanni 2 x 35 m<sup>3</sup>-inik tankiliineq dieselinut aamma AV-gassinut isumannaatsumik sunniuteqarluartumillu ikummatissaasiveqalernissamut iluaqutaassaaq. Tankit marloqiusamik iigallit sioqqanik kalluussaanneveeqqummik sanileriissillugit inissinneqassapput, aammalu tankit kaajallallugit betonnginik ikkussugassanik ungalulernerneqassalluni. Tankit kaajallallugit inissiffiat betonngit iigartai tikillugit sioqqanik ujaraaqqaanillu immerneqassaaq. Tamatuma tankit ikuallattoornissamut isumannaallisissavai, kisianni tamanna aamma kuutsitsisoornerni annikinnerusuni millugussinissamut tunngatillugu iluaqutaasoq paasinarsisinnaalluni. Naalakkersuisoqarfiup maluginiarpaq, tankit tamatuma saniatigut utsersortoornissamut isumannaallisaaqarneqassasut aammalu erngarsinnaanera nakkutigineqassasoq.

Nalunaarutiginninnermi najoqqutassat aammalu avatangiisini nalilersuinerit tassani ingerlanneqartut tunngavigalugit, VVM-imut nassuiaammi avatangiisinik nalilersuinerit ataqatigiissillugit, Naalakkersuisoqarfik naliliivoq, suliassami allannguutit avatangiisinut sammisami nunap qaavani imermi aammalu imikoornermi imaluunniit avatangiisini sammisami allani (ilanngullugit naasut uumasullu, angallannermut tunngasut, isumalluutinik atuineq, nunami mingutsitsineq kiisalu takuneqarsinnaasunut, nunami pinngortitamilu peqqissartarfittarfinnut tunngasut) annertuumik avatangiisinut sunniinerluttussaannngitsut.

Suliassami allannguutit matuma siuliani allassimasut tunngavigalugit taamaalillutik annertuumik avatangiisinut sunniinerlunnernik malitseqartussaannngimmata, suliassami allannguutit VVM-inut nalunaarut naapertorlugu VVM-imik pisussaaffiliinngillat.

### **Tamanut saqqummiussinisaq aamma naammagittalliornissamut ilitsersuineq**

VVM-inut nalunaarummi §§ 22 aamma 23 naapertorlugit Nunalerinermut, Imminut Pilersornermut, Nukissiutinut Avatangiisinullu Naalakkersuisup aalajangiineq uani [www.naalakkersuisut.gl](http://www.naalakkersuisut.gl) kiisalu tusagassiuutini nuna tamakkerlugu najukkanilu saqqummersartuni tamanut saqqummiutissavaa.

Aalajangiineq Avatangiisit innarlitsaaliorneqarnerannut inatsimmi<sup>2</sup> § 60, imm. 1 naapertorlugu, Avatangiisit innarlitsaaliorneqarnerat pillugu Naammagittaalliuuteqartarfimmu, VVM-inut nalunaarummi § 33 naapertorlugu Naalakkersuisunit pilersinneqarsimasumut, naammagittaalliuutigineqarsinnaavoq.

Avatangiisit innarlitsaaliorneqarnerannut inatsimmi § 60, imm. 2 naapertorlugu naammagittaalliorsinnaatitaapput:

- Aalajangiiffigineqartut
- Nunatsinni Nakorsaaneqarfik
- Kinaluunniit suliap qanoq naammassineqarnissaanut nammineq immikkut annertuumillu soqutigisaqartoq
- Peqatigiiffiit suleqatigiiffiillu, malittarisassatik naapertorlugit nunanik peqqissarfiullutik qasuersaarfiusartunik, avatangiisinik pinngortitamillu annertuumik soqutigisanik isumagisaqarnissamik siunertaqartut

Naammagittaalliornissamut piffissamut killigitinneqartoq sapaatit akunneri 6-it, ulloq aalajangiinerup Avatangiisit innarlitsaaliorneqarnerannut inatsimmi § 60, imm. 3 naapertorlugu nalunaarutigineqareernerata ullua aallarnerfigalugu naatsorsorneqartumik.

Naammagittaalliuuteqarniarnermi tunniussivissaq tassaavoq:

Nunalerinermut, Imminut Pilersornermut, Nukissiutinut Avatangiisinullu  
Naalakkersuisoqarfik  
Imaneq 1A  
Postboks 1614  
3900 Nuuk  
E-mail: [pan@nanoq.gl](mailto:pan@nanoq.gl)

Naalakkersuisoqarfiup tamatuma kingorna naammagittaalliuut, najoqutassanik suliami naliliinermi ilaatinneqarsimasunik ilaqartillugu, Avatangiisit innarlitsaaliorneqarnerat pillugu Naammagittaalliuuteqartarfimmu nassiatissavaa. Peqatigisaanik suliami naammagittaalliummik tigusaqartoqarsimasoq pillugu suliami pineqartoq paasissutissiivigineqassaaq.

Naammagittaalliuuteqartarfiup aalajangiineri allaffissornikkut oqartussamut allamut suliassanngortinneqarsinnaanngillat, takuuk Avatangiisit innarlitsaaliorneqarnerannut inatsit § 60, imm. 4.

Avatangiisit innarlitsaaliorneqarnerannut inatsimmi § 63, imm. 1 naapertorlugu tamat naammagittaalliuutaat, Naalakkersuisut allatut aalajangersimanngippata, piffissami Avatangiisit innarlitsaaliorneqarnerat pillugu

---

<sup>2</sup> Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Naammagittaalliuuteqartarfiup naammagittaalliuutitik suliarinniffiani,  
kinguartitsinermik sunniuteqartussaangillat.

Illuliortiternernik sanaartornernillu suliaqarnerit, naammagittaalliornissamut  
piffissamut killigititaasup naannginnerani, aallarteqqusaangillat, takuuk  
Avatangiisit innarlitsaaliorneqarnerannut inatsit § 64, imm. 1.

Aalajangiinerup nalunaarutigineqarnerata kingorna qaammatit 6-it iluanni  
aalajangiineq eqqartuussivinnut suliakkiissutigineqarsinnaavoq, takuuk  
Avatangiisit innarlitsaaliorneqarnerannut inatsimmi § 65.

Inussiarnersumik inuulluaqqusillunga



Natuk Lund Olsen

Naalackersuisoqarfimmi pisortaaneq

Nunalerinermut, Imminut Pilersornermut, Nukissiutitut Avatangiisinullu

Naalackersuisoqarfik